



CONGREGATIO PRO EPISCOPIIS

KHARKIVIENSIS-ZAPORIZHIENSIS

de Concathedralis erectione

DECRETUM

Ut spirituali Populi Dei bono aptius consulatur atque pastorale suum munus efficacius adimplere valeat, Exc.mus P.D. Stanislaus Padewski, Episcopus Kharkiviensis-Zaporizhiensis, ab Apostolica Sede expostulavit, ut templum, in urbe vulgo Zaporizhia exstans, Deo Patri Misericordiarum dicatum, ad dignitatem et fastigium Ecclesiae Concathedralis eveheretur.

Congregatio pro Episcopis, praehabito favorabili voto Exc.mi P.D. Ioannis Jurkovič, Archiepiscopi titularis Corbaviensis et in Ucraina Apostolici Nuntii, vigore specialium facultatum sibi, a Summo Pontifice BENEDICTO, Divina Providentia, PP. XVI, tributarum, oblatas preces benigne accipiendas esse censuit.

Quapropter, suppleto, quatenus opus sit, eorum interesse habentium vel habere praesumentium consensu, praesenti Decreto, perinde valituro ac si Apostolicae sub plumbo Litterae datae forent, decernit, ut, servata dioecesis Kharkiviensis-Zaporizhiensis Cathedrae episcopalis dignitate, templum Deo Patri Misericordiarum in urbe nuncupata Zaporizhia exstans dicatum, titulo ac fastigio Ecclesiae Concathedralis decoretur, cum omnibus iuribus, honoribus et privilegiis ac oneribus et obligationibus quae huiusmodi Ecclesiis sunt propria.

Ad haec perficienda Congregatio pro Episcopis memoratum
Exc.mum P.D. Ioannem Jurkovič deputat, necessarias et opportunas
eidem tribuens facultates etiam subdelegandi, ad effectum de quo
agitur, quemlibet virum in ecclesiastica dignitate constitutum onere
imposito ad eandem Congregationem, ubi primum fas erit, authenticum
exemplar actus peractae executionis transmittendi.

Contrariis quibusvis minime obstantibus.

Datum Romae, ex Aedibus Congregationis pro Episcopis, die 6
mensis Iulii anno 2005.

Ioannes B. Card. R.
Tranf.

James Fondak
off.